

JAVNO PREDUZEĆE VETERINARSKA STANICA GORAŽDE  
SKUPŠTINA JP „Veterinarska stanica“ Goražde  
Broj: 01-08-NOO/23  
Datum: 31.08.2023.

Na osnovu člana 234.stav 1. tačka k., a u vezi sa članom 303. Zakona o privrednim društvima FBiH („Službene novine FBiH“ broj 81/2015 i 75/2021), u skladu sa odredbama člana 32. Statuta JP „Veterinarska stanica“ Goražde, Skupština JP „Veterinarska stanica“ Goražde, raspisuje

**JAVNI OGLAS**  
**za izbor i imenovanje članova Nadzornog odbora**  
**JP „Veterinarska stanica“ Goražde**

**I – Predmet oglasa**

Raspisuje se Javni oglas za izbor i imenovanje 3 (tri) člana Nadzornog odbora JP „Veterinarska stanica“ Goražde.

**II – Opis pozicije**

Nadzorni odbor nadležan je da:

- Nadzire rad preduzeća
- predlaže Skupštini donošenje, izmjene i dopune Statuta, priprema i predlaže Skupštini poslovnik i Etički kodeks
- donosi poslovnik o radu Nadzornog odbora
- utvrđuje predlog plana poslovanja
- usvaja izvještaj uprave po godišnjem obračunu
- podnosi Skupštini godišnji izvještaj o poslovanju preduzeća
- bira upravu preduzeća
- imenuje i razrješava članove uprave u skladu sa odredbama Statuta, vrši izbor kandidata Odbora za reviziju i podnosi predlog za njihovo imenovanje Skupštini
- nadzire upravu u primjeni preporuka datih od Odbora za reviziju i vanjskog revizora u utvrđenim vremenskim rokovima
- odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom u toku poslovne godine u obimu od 15% do 33% knjigovodstvene vrijednosti ukupne imovine preduzeća po bilansu stanja na kraju prethodne godine,
- predlaže Skupštini prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom u toku poslovne godine u obimu većem od 33% knjigovodstvene vrijednosti ukupne imovine preduzeća po bilansu stanja na kraju prethodne godine,
- formira povremene komisije i utvrđuje njihov sastav i zadatke,
- saziva Skupštinu preduzeća

- razmatra provedbeni propis za postupak nabavke u smislu njegove usaglašenosti sa važećim propisima u nabavci
- vrši nadzor nad radom uprave i zaposlenika javnog preduzeća u pogledu primjene provedbenog propisa o postupku nabavke
- vrši druge poslove predviđene zakonom.

### **III – Mandat**

Članovi Nadzornog odbora imenuju se na period od 4 (četiri) godine, s tim da po isteku perioda od 2 (dvije) godine od dana imenovanja, Skupština preduzeća glasa o povjerenju članovima Nadzornog odbora.

Predsjednik i članovi Nadzornog odbora, nakon imenovanja, sa preduzećem zaključuju ugovor koji odobrava Skupština preduzeća.

### **IV – Uslovi za imenovanje**

Kandidati za imenovanje na tražene pozicije moraju ispunjavati opće i posebne uslove.

#### **Opći uslovi**

1. da je stariji od 18 godina (dokaz: izvod iz matične knjige rođenih – original ili ovjerena kopija)
2. da je državljanin Bosne i Hercegovine (dokaz: izvod iz matične knjige državljana – original ili ovjerena kopija, ne starije od 6 mjeseci)
3. da nije osuđivan za krivično djelo i za prekršaj nespojiv sa dužnošću u Nadzornom odboru, pet godina od dana izdržane, izvršene, zastarjele ili oprostene kazne (dokaz: uvjerenje nadležnog Općinskog suda ne starije od 3 mjeseca od dana objavljivanja javnog oglasa)
4. da nema privatni finansijski interes u preduzeću u čiji se nadzorni odbor kandiduje (dokaz: potpisana izjava ovjerena od strane nadležnog općinskog organa, ne starija od 3 mjeseca)
5. da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od 3 godine prije dana objavljivanja upražnjene pozicije (dokaz: potpisana izjava ovjerena od strane nadležnog općinskog organa ne starija od tri mjeseca)
6. da se na kandidata ne odnosi član IX 1. Ustava Bosne i Hercegovine (dokaz: potpisana izjava ovjerena od strane nadležnog općinskog organa ne starija od tri mjeseca)

#### **Posebni uslovi**

1. da ima visoku stručnu spremu VSS, VII stepen ili ekvivalent Bolonjskog sistema (dokaz: ovjerena kopija diplome fakulteta o sticanju VSS)
2. da ima najmanje jednu godinu radnog staža u struci nakon sticanja univerzitetske diplome (dokaz: potvrda od poslodavca o potrebnom radnom iskustvu)
3. da nije predsjednik ili član nadzornog ili upravnog odbora preduzeća sa učešćem državnog kapitala ili institucije (dokaz: potpisana izjava ovjerena od strane nadležnog općinskog organa)

4. da nije izabrani dužnosnik, nosilac izvršnih funkcija ili savjetnik u smislu Zakona o sukobu interesa u institucijama vlasti u BiH i FBiH (dokaz: potpisana izjava ovjerena od strane nadležnog općinskog organa ne starija od tri mjeseca)
5. da nije stariji od 65 godina na dan imenovanja.

Javni oglas ostaje otvoren 15 dana od dana objavljivanja u dnevnom listu „Dnevni avaz“.

Prijavu sa traženom dokumentacijom dostaviti u zatvorenoj koverti sa naznakom:

**PRIJAVA NA JAVNI OGLAS ZA IZBOR I IMENOVANJE ČLANOVA  
NADZORNOG ODBORA JP „VETERINARSKA STANICA“ GORAŽDE  
- NE OTVARATI -**

Prijavu dostaviti lično ili putem pošte na adresu:

JP „VETERINARSKA STANICA“ GORAŽDE  
UL. IBRAHIMA POPOVIĆA 60  
73000 GORAŽDE

Neblagovremene i nepotpune prijave neće se uzeti u razmatranje.

PREDSJEDNIK SKUPŠTINE  
JP VETERINARSKA STANICA GORAŽDE

Melida Hadžiomerović

